

## Vreni

Si zwe Zogge vore Frou am Wigger Wehrverein biträtte  
U si hange scho sit Johre a de blutte Füess wi Chlette  
Bis uf einisch i dr Altstatt isch ere eine grad entwütscht  
Und het dä Graniumdieb nach churzem Flug in flagranti grad verwütscht

Es isch klar vo wäm mir singe, dr Wehrverein isch ihres Läbe  
Sit vile Johre schafft si flissig und das jederzit vergäbe  
Und wenns Sorge git zum löse und wenn niemer öppis seit  
Muesch nid würklech lang druf warte, z'Vreni weiss und seit wies geit

Si chläbt Märkli, setzt sech i für Aaläss und si luegt zum 'Schützehüüsli  
Vermarktet z'Trinke, rächnet Büechli ab, geng flissig wie nes Müüsli  
Vereinsusflüüg, und Gmeindsaaläss, Jassöbe zieht si uf  
Sogar für z'Dorf-Grümpelturnier vo Wigge het si huffe Schnuuf

Aus Morgemönsch schteit si sehr früeh uf, das berchöme aui z'gschpüre  
Wenn wosch schiesse geit's am füfi los, nid muule, do muesch düre  
Du wirsch sogar deheim abghout, si wott jo no nume z'Bescht  
Und bisch nid pünktlech ufem Schuelhuusplatz, holt si di usem Näscht

Si isch es Alphatier und mit Geduld si die nid würklech gsägnet  
Und so isch si mängem zimmlech fordernd grediuus begänet  
Die Meischte hei sech zwar dra gwöhnt dass sie a Chare fahre cha  
Me darf ou umegäh so dass me ou am Vreni gfahre ma

We si sech bim kopiere vom nöie Programm bim Wuchetag trumpiert het  
Oder d'Johrzahl bir Aamäudig im g'Hetz nid rächt korrigiert het  
Hett's öppe unter Kamerade öppis z'Schmunzle gäh

Aber are Frou wie am Vreni chame das nid Übu nä

So het sech's ou ergäh, dass üsi Fabienne wott hürote  
Dr Wiiger Wehrverein geit go spaliere, so söll das Fescht grote  
Me het z'Uerkheim gwartet uf die Hochzitsgsellschaft mit dr Brut  
Bis mes wit ewäg het mitbrcho, z'Reitnouer Gloggeglütt

Dr rot VW-Bus, das unverkennbar klare Margezeiche  
Wo dä steit isch si nid wit, lade, fahre bringe, reiche  
Er isch immer z'nöchsch bim ligang, das het z'tüe mit Effiziänz  
Si bruucht ou kener lwispöschte-si-het-gnue Fahrerkompetänz

Jo dä Bus dä chönnt verzelle-vo-hunderttuusig wilde Sache  
E Crash mit em Buck, betrunkeni Schütze, wo bir Heifahrt Stimmig make  
Dr Chrigu dä fahrt nid am Weekend, är murmet näbedrah  
«hey du muesch schaute, jetz muesch brämse, ggesch di roti Ample do»

Wit usserhaub vom Wehrverein bisch du-e-Berüemtheit worde  
Hesch dir aus Frou e Name gmacht i-dr Schütze-Männerhorde  
Aus Sportstarfunktionär het me di-2013 nominiert  
Und nach zähie Jurygspräch hesch du-mit-em 3. Rang brilliert

So si die Jöhrli und sogar Johrzähnti im Verein verflosse  
Aui rund um di und ou du säuber hesch die Aera gnosse  
Jetzt chunnt e nöie Abschnitt und e Zit vom Abschied näh  
Mir si sicher, du wirsch ou i Zuekunft immer z'Beschte gäh

Es bliib üs no dir merci z'säge für dis guete Wäse  
Mir si sicher Lüt wie du die gö bestimmt nie ganz vergässe  
Drum häb Sorg und bliib geng gsung was immer aues no so chunnt

Mir verneige üs vor dir und hoffe z'Läbe blibi bunt